

Møtebok Fellesstyret for Ullensvang statsallmenning

Tidspunkt: Måndag 19. mars 2018 kl. 1800-2100

Stad: Kommunestyresalen, Odda rådhus

Desse møtte: Eivind Tokheim, Steinar Langesæter, John Helge Rasmussen, Synnøva Sæbø, Ørjan Angell, Ragnar Ystanes

Andre til stades på møtet: Steinar Lund (sekretær)

Saker til styremøtet:

FUS 09/18: Meldingar

FUS 10/18: Referat frå møte 5. februar 2018

FUS 11/18: Rekneskap 2017

FUS 12/18: Årsmelding 2017

FUS 13/18: Garnfiske utanbygds

FUS 14/18: Prisar fiskekort og småviltjakt 2018

FUS 15/18: Fordeling av felles kostnader

FUS 16/18: Småviltjakt 2018

FUS 17/18: Budsjett 2018

FUS 18/18: Fredingssoner i reinsjakta

FUS 19/18: Søknad om samjakt i reinsjakta 2018

FUS 20/18: Søknad om løyve til å fiske med garn i vatna rundt Skålsbotnen

FUS 21/18: Høyringssak: Vedlikehaldstiltak på Dam Nibbehøl

FUS 22/18: Eventuelt

Eivind Tokheim/s/ Steinar Langesæter/s/

Ørjan Angell/s/

Ragnar Ystanes/s/

Synnøva Sæbø/s/

John Helge Rasmussen/s/

Kopi til:

Fjellstyremedlemmer

Varamedlemmer

Fjellstyra på Hardangervidda as

Norges Fjellstyresamband

Fjellstyra kring Hardangervidda

Statskog

Odda kommune

Ullensvang herad

Hardanger Folkeblad

FUS 09/18: Meldingar

Saksdokument:

2018.01.22-642.2-Ulvik fjellstyre-Stongfiskeoppgjjer 2017
2018.01.22-612.0.Odda-jegerar-Innspel fredingssoner
2018.01.25-362.1.Statskog-Søknad tiltak, steinbu Hansbu
2018.01.29-123.Ullensvang Rekneskap-Rekneskap 2017
2018.01.31-612.0.Miljødirektoratet-Høyring-forslag om å oppheve hjorteviltforskrifta § 30
2018.02.21-612.3.Hardangervidda villreinutval-Invitasjon til vårmøte
2018.02.21-612.0.Einar S. Børve-Innspel til evaluering av fredingssonene
2018.02.21-612.0.Vigleik Fagertveit-Innspel til evaluering av fredingssonene
2018.02.25-612.0.Asbjørn Lutro-Innspel til evaluering av fredingssonene
2018.02.25-612.0.Per Jan Sandven-Innspel til evaluering av fredingssonene
2018.03.01-612.0.Trond Thiis-Innspel til evaluering av fredingssonene
2018.03.04-612.0.Tomas Hesthamar-Innspel til evaluering av fredingssonene
2018.03.05-612.0.Per Helge Sekse-Innspel til evaluering av fredingssonene
2018.03.05-612.0.Arvid Svåsand-Innspel til evaluering av fredingssonene
2018.03.05-612.0.Inge Nedrevåg-Innspel til evaluering av fredingssonene
2018.03.05-612.0.Jarle Rasmussen-Innspel til evaluering av fredingssonene
2018.03.05-612.0.Jostein Ulgenes-Innspel til evaluering av fredingssonene
2018.03.05-612.0.Mats Holtmoen-Innspel til evaluering av fredingssonene
2018.03.08-612.3.Odda Grunneigarlag-Søknad om samjakt 2018

Saksutgreiing:

Framlegg til vedtak:

Inga framlegg til vedtak

Referat:

Sekretær gjekk gjennom meldingane.

Vedtak (sak FUS 09/18):

Styret tek meldingane til orientering.

FUS 10/18: Referat frå møte 5. februar 2018

Saksdokument:

- 10-18 Møtebok Fellesstyret for Ullensvang statsallmenning 5. februar 2018

Saksutgreiing:

Framlegg til vedtak:

Inga framlegg til vedtak.

Referat:

Ingen merknadar til referatet frå førre møte.

Vedtak (sak FUS 10/18):

Styret godkjenner referat frå møtet i Fellesstyret for Ullensvang statsallmenning 5. februar 2018.

Samrøystes vedteke.

FUS 11/18: Rekneskap 2017

Saksdokument:

- 11-18 Resultat 2017
- 11-18 Balanse 2017

Saksutgreiing:

Fellesstyret for Ullensvang statsallmenning hadde i 2017 inntekter på 135.553,-, og utgifter på 123.147,-. Rekneskapen for 2017 viser eit overskot etter renteinntekter på 12.582,58,-.

Inntektene frå garnfiskekort og stongfiskekort var om lag som i 2016, høvesvis 24.282,- og 58.811,-. Det er betalt inn beiteleige for åra 2016 og 2017, til saman 52.460,-.

Utgiftene i 2017 var ein del høgare enn dei siste åra. Dette kjem blant anna av at det blei betalt ut ein god del møtegodtgjersle og reisegodtgjersle som var uteståande for 2016. Det blei også betalt ut 8.125,- for tapt arbeidsforteneste i samband med samlingar som medlemmer frå Ullensvang fjellstyre og Odda fjellstyre deltok på. Stengerunden med helikopter var den største enkeltutgifta på 30.662,- (reisekostnad, ikkje oppgåvepliktig).

Framlegg til vedtak:

Inga framlegg til vedtak

Referat:

Rekneskapen blei gått gjennom. Sekretær opplyste om at revisor ikkje har gitt uttale, og at rekneskapen difor må godkjennast med atterhald om godkjenning frå revisor.

Post 2991 «Skuldig Ullensvang Fjellstyre» på 19.394,08,- blei diskutert. Sekretær opplyste om at dette er ein post som har bygd seg opp over fleire år, grunna at det er nytta bankkonto tilhøyrande feil fjellstyre til utbetalingar. Rekneskapsfører har gitt uttale om at det som er ført på kontoen er korrekt. Steinar Langesæter kom med framlegg om at summen blir overført til Ullensvang fjellstyre, og styret slutta seg til dette.

Eivind Tokheim kom med framlegg om at rekneskapen blir godkjent med atterhald om godkjenning frå revisor. Styret slutta seg til sette.

Vedtak (sak FUS 11/18):

Summen på post 2991 «Skuldig Ullensvang Fjellstyre» (19.394,08,-) blir overført til Ullensvang fjellstyre.

Rekneskapen blir godkjent med atterhald om godkjenning frå revisor.

Samrøystes vedteke.

FUS 12/18: Årsmelding 2017**Saksdokument:**

- 12-18 Utkast årsmelding 2017

Saksutgreiing:**Framlegg til vedtak:**

Inga framlegg til vedtak.

Referat:

Årsmeldinga blei gått gjennom. Det var ingen merknadar til årsmeldinga.

Vedtak (sak FUS 12/18):

Styret vedtek utkast til årsmelding.

Samrøystes vedteke.

FUS 13/18: Garnfiske utanbygds

Saksdokument:

Saksutgreiing:

Ordninga med sal av eit avgrensa tal garnkort til utanbygds blei etter nokre år i «dvale» teken opp att i 2017. Det blei vedteke å tilby inntil 20 vekeskort (10 handtert av Odda fjellstyre, og 10 av Ullensvang fjellstyre) i perioden 1. juli til 15. august for fyljande vatn: Grøndalsvatna, Midtra Krokavatnet, Nedsta Krokavatnet, Nedsta Bjørnavatnet, Øvsta Bjørnavatnet og Kvennsjøen.

Det blei i 2017 seld fire kort frå Ullensvang sin andel av korta i 2017, og ingen frå Odda fjellstyre. Få utanbygdararar kontaktar Odda fjellstyre, då hyttene så å seie utan unntak blir leigd ut til innanbygdsbuande.

Sakshandsamar meiner at dei 20 vekeskorta med fordel kan handsamast i ein pott av felles sekretær for dei to fjellstyra, og at omsetninga kan fordelast likt mellom fjellstyra. For å gjera tilbodet kjent vil det vera ein stor fordel om garnkortet blir lagt ut for sal på Inatur i lag med dei andre fiskekorta. Det er mogleg å legge inn ei avgrensing på 20 stk. kort, slik at det ikkje blir selt fleire kort enn det som er vedteke. Sakshandsamar meiner vidare at det er lite hensiktsmessig å ha ei avgrensing på perioden korta kan nyttast. Perioden 1. juli til 15. august er ikkje avgjerande for kor stort omfanget av fisket vil bli. Månadsskiftet juli-august er ofte ein god periode for garnfiske. Ein kan sjå for seg at å sette ei avgrensing fram til 15. august vil vera med på å sikre at innanbygdsbuande får fyrsterett på fjellstyret sine hytter i reinsjakta, men dette er sikra på andre måtar. Odda fjellstyre har stor tilgang på sine hytter, og tildeler berre hytteleige til utanbygdsbuande dersom det ikkje er innanbygdsbuande som har søkt om leige. Ullensvang fjellstyre har større kapasitet på hyttene og har i større grad opna for at utanbygdsbuande kan leige hyttene, men har sikra at dei innanbygdsbuande får fyrsteretten ved at utleige for utanbygdsbuande er sperra fram til ein viss dato. Sakshandsamar meiner difor at det ikkje er noko i vegen for at garnkortet for utanbygds kan gjelda for heile perioden det er opna for garnfiske.

Garnkortet er avgrensa til nokre få av vatna i Ullensvang statsallmenning. Sakshandsamar meiner Fellesstyret kan vurdere å opne for at garnkorta for utanbygds kan gjelde for alle vatn der det er opna for garnfiske på Ullensvang statsallmenning. Dersom Fellesstyret opnar for dette, blir det gjort ei nytt vedtak med heimel i fjellova § 28 3. avsnitt. Vedtaket må då sendast kommunane for uttale, og det må gjerast vurderingar etter naturmangfaldlova (mnl.) §§ 8-12. Aurebestandane i dei ulike vatna i Ullensvang statsallmenning er av varierende kvalitet. Det varierer frå å vera overbefolka vatn med lite fisk i dårleg kondisjon, til vatn der fisken er av svært god kvalitet. Det er difor stor forskjell i kor godt vatna toler fiske. Ein kan risikere at vatn blir overbeskatta, men omfanget av denne ordninga er svært avgrensa. Generelt blir det fiska lite i vatna i Ullensvang statsallmenning. Samtidig er fiskereglane som gjeld laga for å unngå at fisket har ein negativ påverknad på fiskebestandane. Med grunnlag i dette meiner sakshandsamar det er liten fare for at det blir gjort nemneverdig skade på fiskebestandar som

ein konsekvens av denne ordninga. Alt i alt meiner sakshandsamar at kunnskapsgrunnlaget om fiskebestandane og tiltaket er godt, jf. nml. § 8. Det er likevel usikkert kor mykje som blir fiska på Ullensvang statsallmenning, og det er usikkert kor mykje meir fiske denne ordninga vil føre til. Med grunnlag i føre-var-prinsippet, jf. nml. § 9, vil det vera ein fordel om Fellesstyret innfører obligatorisk fangstrapportering for alt fiske. Dette er svært enkelt for fiskekort som blir forhandla via Inatur. Dersom fangstrapporteringa og eventuelt anna info tilseier at denne ordninga har ført til ei overbeskatning av visse vatn, bør Fellesstyret gjera ei ny vurdering før fiskesesongen i 2019. Innføring av ordninga vil føre til noko auka menneskeleg aktivitet i statsallmenningen. Det kan også føre til noko meir motorisert ferdsel. Sakshandsamar er av den oppfatninga at omfanget av fiske på statsallmenningen er så avgrensa i dag, at fisket i seg sjølv ikkje er med på å føre til ein for stor samla belastning på økosystemet, jf. nml. § 10. Sakshandsamar vurderer nml. §§ 11 og 12 til å ikkje vera relevant i denne saka.

Fellesstyret må også vurdere om å opne for at dei 20 vekeskorta skal kunne nyttast i alle vatn der det er opna for garnfiske har ein negativ påverknad på rettane til innanbygdsbuande. Det er ikkje opna for fritt sal av garnkort til utanbygdsbuande, sidan dette vil ha ein negativ effekt på fiskerettane til innanbygdsbuande. Omfanget av 20 vekeskort vil vera svært avgrensa. Sjølv sagt kan det oppstå situasjonar der utanbygdsbuande tek dei beste fiskeplassane, men for han/ho som «mister» fiskeplassen er det ikkje avgjerande om han som overtek fiskeplassen er innanbygdsbuande eller utanbygdsbuande. Sakshandsamar meiner dette spørsmålet handlar meir om det samla fisketrykket, og at omfanget av denne ordninga er så avgrensa at det ikkje vil gå ut over innanbygdsbuande sine rettar.

Framlegg til vedtak:

Fellesstyret vidarefører ordninga med sal av inntil 20 vekeskort på garnkort for utanbygdsbuande (dei som siste året har vore busett i Noreg), med fyljande endringar:

Garnkorta gjeld i alle vatn på Ullensvang statsallmenning det er opna for garnfiske, i tråd med dei fiskereglane som til ei kvar tid er gjeldande.

Garnkorta kan nyttast i heile den perioden det er opna for garnfiske, jf. dei fiskereglane som til ei kvar tid er gjeldande.

Vedtaka er gjort med heimel i fjellova § 28 3. avsnitt.

Dei 20 garnkorta blir handsama i ein felles pott. Omsetninga blir delt likt mellom Ullensvang fjellstyre og Odda fjellstyre.

Garnkorta blir selt via Inatur.

Referat:

Ragnar Ystanes kom med innspel om at utgangspunktet for ordninga var å få hjelp til oppfisking i overbefolka vatn, og at det difor ikkje bør opnast for alle vatn. Styret slutta seg til

dette. Det blei diskutert kva for nokre vatn som kan vera aktuelle å opna for. Styret slutta seg til å lage ei liste over vatn ordninga skal gjelde for:

Nedsta Krokavatnet

Midtra Krokavatnet

Øvsta Krokavatnet

Jakobsbuvatnet

Nedsta Bjørnavatnet

Øvsta Bjørnavatnet

Sigridskarvatnet

Tuevatna

Kvennsjøen

Litlosvatnet

Kollsvatnet

Skadvatn

Ambjørgsvatnet

Krokavatnet

Kollstjørn

Sledalsvatnet

Oddvyrevatnet

Nedsta Grøndalsvatnet

Midtra Grøndalsvatnet

Steinar Langesæter kom med framlegg om å orientera Norges Jeger- og Fiskerforbund Hordaland om ordninga. Styret slutta seg til dette.

Ørjan Angell kom med framlegg om at ordninga skal evaluerast etter kvar sesong. Styret slutta seg til dette.

Vedtak (sak FUS 13/18):

Fellesstyret vidarefører ordninga med sal av inntil 20 vekeskort på garnkort for utanbygdsbuande (dei som siste året har vore busett i Noreg), med fyljande endringar:

Garnkorta gjeld i fyljande vatn på Ullensvang statsallmenning, i tråd med dei fiskereglane som til ei kvar tid er gjeldande:

Nedsta Krokavatnet

Midtra Krokavatnet

Øvsta Krokavatnet

Jakobsbuvatnet

Nedsta Bjørnavatnet

Øvsta Bjørnavatnet

Sigridskarvatnet

Tuevatna

Kvennsjøen

Litlosvatnet

Kollsvatnet

Skadvatn

Ambjørgsvatnet

Krokavatnet

Kollstjørn

Sledalsvatnet

Oddvyrevatnet

Nedsta Grøndalsvatnet

Midtra Grøndalsvatnet

Garnkorta kan nyttast i heile den perioden det er opna for garnfiske, jf. dei fiskereglane som til ei kvar tid er gjeldande.

Vedtaka er gjort med heimel i fjellova § 28 3. avsnitt.

Dei 20 garnkorta blir handsama i ein felles pott. Omsetninga blir delt likt mellom Ullensvang fjellstyre og Odda fjellstyre.

Garnkorta blir selt via Inatur.

Norges Jeger- og Fiskerforbund Hordaland blir orientert om ordninga.

Ordninga skal evaluerast etter kvar sesong.

Samrøystes vedteke.

FUS 14/18: Prisar fiskekort og småviltjakt 2018

Saksdokument:

Saksutgreiing:

Fiske:

Her er det forskrift om jakt, felling, fangst og fiske som er førande for prissetjinga. Direktoratet fastset maksprisar for kva ein kan ta for fiskekort på Statsallmenning. Pristaket for innlandsfiske er fram til 2021:

Dagskort: 100,-

Vekekort: 350,-

Sesongkort: 700,-

Fellesstyret har fylgjande prisar for fiskekort på Ullensvang statsallmenning:

Stongfiske:

Dagskort: 50,-

2-døgnskort: 100,-

3-døgnskort: 120,-

Vekekort: 200,-

Sesongkort: 400,-

Garnfiske:

Vekekort: 150,-

Sesongkort: 300,-

Garnfiske (utanbygds):

Vekekort: 500,-

Fellesstyret er med på fellesordning saman med Ulvik, Røldal og Eidfjord. Her kostar sesongkort 500 og vekekort 300.

På fellesfiskekort kan ein ha prisar opp til det dobbelte av prisramma i forskrifta, jf. forskrift om jakt, felling, fangst og fiske i statsallmenning § 13. Endring av prisane på fellesfiskekortet krev vedtak i alle fjellstyra. Administrasjonen i dei ulike fjellstyra har vorte einige om å føreslå nye prisar på fellesfiskekortet frå og med inneverande år til 500,- for vekekort og 1000,- for årskort. Sakshandsamar vil tilrå Fellesstyret å vera med på denne justeringa.

Sakshandsamar meiner det ville vera fornuftig å nytte pristaket på stongfiskekort. For innanbygdsbuande vil garnfiskekortet vera det rimelegaste alternativet (gjeld også for

stongfiske), så det vil framleis vera rimeleg fiske for innanbygdsbuande. Prisen for garnkorta kan også med fordel justerast noko, då det har vore same prisen i mange år.

Småviltjakt

Fellesstyret har hatt fylgjande prisar for småviltjakt:

| | UTAN HUND | MED HUND |
|-------------------|-----------|----------|
| INNANBYGDS | | |
| Vekeskort | 250,- | 350,- |
| Sesongkort | 500,- | 700,- |
| | | |
| UTANBYGDS | | |
| Vekeskort | 300,- | 450,- |
| Sesongkort | 600,- | 900,- |

Prisramma for utanbygdsbuande fram til 31. mars 2021:

| | |
|--------------|--------|
| Dagskort | 250,- |
| 5-dagarskort | 1000,- |
| Vekeskort | 1400,- |
| Sesongkort | 2300,- |

Prisane for småviltjakt har vore uendra i ei årrekke. Det er rom for å auke prisane ein god del, for å halde tritt med prisauken elles.

Sakshandsamar foreslår desse prisane til å gjelde frå og med inneverande år:

Stongfiskekort:

Dagskort: 100,-,

2-døgnskort: 175,-

3-døgnskort: 250,-

Vekeskort: 350,-

Sesongkort: 700,-

Garnfiske (innanbygds):

Vekeskort: 250,-

Sesongkort: 400,-

Garnfiske (utanbygds):

Vekeskort: 550,-

Fellesfiskekortet:

Vekeskort: 500,-

Sesongkort: 1000,-

Småviltjakt:

| | Innanbygds | Utanbygds |
|------------|------------|-----------|
| Dagskort | 100,- | 200,- |
| Vekeskort | 500,- | 1000,- |
| Sesongkort | 1000,- | 2000,- |

Framlegg til vedtak:

Fellesstyret for Ullensvang fjellstyre fastset følgjande prisar frå og med sesongen 2018:

Stongfiskekort:

Dagskort: 100,-,

2-døgnskort: 175,-

3-døgnskort: 250,-

Vekeskort: 350,-

Sesongkort: 700,-

Garnfiske (innanbygds):

Vekeskort: 250,-

Sesongkort: 400,-

Garnfiske (utanbygds):

Vekeskort: 550,-

Fellesfiskekortet:

Sekretær får fullmakt til å justere prisen opp på fellesfiskekortet i samråd med dei andre fjellstyra i ordninga. Fullmakta gjeld prisjustering opp til 500,- for vekeskort og 1000,- for sesongkort.

Småviltjakt:

| | Innanbygds | Utanbygds |
|------------|------------|-----------|
| Dagskort | 100,- | 200,- |
| Vekeskort | 500,- | 1000,- |
| Sesongkort | 1000,- | 2000,- |

Vedtaka vert gjort med heimel i fjellova § 25 og 29 og forskrift om jakt, felling, fangst og fiske i statsallmenning § 13.

Referat:

Framlegg til prisar blei diskutert. John Helge Rasmussen kom med innspel om at nokre av prisane i framlegg til vedtak er i høgaste laget. Steinar Langesæter kom med framlegg om å vedtak prisane i framlegg til vedtak. Ved avstemming blei dette vedteke mot ei røyst (John Helge Rasmussen).

Vedtak (sak FUS 14/18):

Fellesstyret gjorde fyljande vedtak, med fem mot ei (John Helge Rasmussen) røyst:

Fellesstyret for Ullensvang fjellstyre fastset fylgjande prisar frå og med sesongen 2018:

Stongfiskekort:

Dagskort: 100,-,

2-døgnskort: 175,-

3-døgnskort: 250,-

Vekeskort: 350,-

Sesongkort: 700,-

Garnfiske (innanbygds):

Vekeskort: 250,-

Sesongkort: 400,-

Garnfiske (utanbygds):

Vekeskort: 550,-

Fellesfiskekortet:

Sekretær får fullmakt til å justere prisen opp på fellesfiskekortet i samråd med dei andre fjellstyra i ordninga. Fullmakta gjeld prisjustering opp til 500,- for vekeskort og 1000,- for sesongkort.

Småviltjakt:

| | Innanbygds | Utanbygds |
|------------|------------|-----------|
| Dagskort | 100,- | 200,- |
| Vekeskort | 500,- | 1000,- |
| Sesongkort | 1000,- | 2000,- |

Vedtaka vert gjort med heimel i fjellova § 25 og 29 og forskrift om jakt, felling, fangst og fiske i statsallmenning § 13.

FUS 15/18: Fordeling av felles kostnader

Saksdokument:

Saksutgreiing:

Kostnader for møte, samlingar med meir

Jamfør sak 06/18 på førre styremøte skal rutinane for å legge kostnader for møte, samlingar med meir (til dømes vår- og haustmøte) drøftast på dette møtet. Tidlegare praksis har vore at fellesstyret dekkar kostnadane for dei to fjellstyreleiarane på vår- og haustmøte. Det er nokså høge kostnader til dette, sidan det i tillegg til overnatting kjem kostnad for tapt arbeidsforteneste for fredagen. Frå og med i 2018 blir Fellesstyret fakturert for tenestekjøp med refusjon direkte, mot tidlegare då kostnadane har blitt delt likt mellom Odda fjellstyre og Ullensvang fjellstyre. Dette fører med seg større utgifter til Fellesstyret. Styret kan vurdere å endre praksisen med dekking av utgifter til møte, samlingar med meir, for at ikkje Fellesstyret skal få for høge utgifter. I alle tilfelle vil det vera ein fordel å ha klare retningslinjer som gjeld til det blir gjort eit nytt vedtak.

Felles kontorkostnader

Odda fjellstyre, Ullensvang fjellstyre og Fellesstyret for Ullensvang statsallmenning har felles sekretær, med kontor i heradshuset i Kinsarvik. Det er ein del kostnader til drift av kontoret som er naturleg å fordele på dei tre fjellstyra. Dette er:

- Husleige (27.890,-)
- Skybasert datalagring (om lag 9.000,-)
- Faktureringsprogram (1.225,-)

Kostnadane som er nemnt over er det som er forventa for 2018, og kan avvike noko. Sekretær tilrår at Fellesstyret gjer ei vurdering av om kostnadane skal fordelast mellom fjellstyra.

Ein fordelingsnøkkel kan vera timetalet sekretær har på kontorarbeid for dei tre fjellstyra. Det er usikkert korleis dette vil bli, men årets tenestekjøp legg til grunn om lag 40 % av kontortida på Ullensvang fjellstyre, 30 % på Odda fjellstyre og 30 % på Fellesstyret. Sekretær vil understreke at fordelinga i 2018 kan avvike ein god del frå dette. Fasiten får ein fyrst etter

nokre års drift. Ullensvang har den høgaste omsetnaden, men arbeidsoppgåvene vil vera ganske like mellom Ullensvang og Odda fjellstyre (sal av reinskort, hytteutleige med meir). Arbeidsmengda for Fellesstyret vil variere med kor mange «fellessaker» det er. I år er det mykje arbeid med fredingssoner, rypejakt med meir. Seinare år vil truleg arbeidsmengda vera lågare for Fellesstyret.

Framlegg til vedtak:

Inga framlegg til vedtak.

Referat:

Sake blei kort diskutert. Eivind Tokheim kom med framlegg om at Fellesstyret dekker utgifter til vår- og haustmøte for leiarane i dei to fjellstyra, og at felles kontorkostnadar som nemnt i saksutgreiinga blir delt slik mellom fjellstyra:

Ullensvang fjellstyre: 40 %

Odda fjellstyre: 30 %

Fellesstyret for Ullensvang statsallmenning: 30 %

Styret slutta seg til dette.

Vedtak (sak FUS 15/18):

Fellesstyret dekker utgifter til vår- og haustmøte for leiarane i dei to fjellstyra, og at felles kontorkostnadar som nemnt i saksutgreiinga blir delt slik mellom fjellstyra:

Ullensvang fjellstyre: 40 %

Odda fjellstyre: 30 %

Fellesstyret for Ullensvang statsallmenning: 30 %

Samrøystes vedteke.

FUS 16/18: Småviltjakt 2018

Saksdokument:

Saksutgreiing:

Lirype og fjellrype har vore freda på Ullensvang statsallmenning frå jaktseasonen 2014-2015 til og med jaktseasonen 2017-2018. Fellesstyret må no ta stilling til om rypa framleis skal vera freda, eller om det skal vera jakt frå og med hausten 2018. Jamfør naturmangfaldlova

(nml.) § 7 skal dei miljørettslege prinsippa i naturmangfaldlova §§ 8-12 leggjast til grunn ved utøving av offentlig myndigheit. Det blir ikkje gjennomført taksering av rypebestanden på Ullensvang statsallmenning, då dette vil vera svært kostnadskrevjande og vanskeleg å gjennomføre. Ein må difor støtte seg på anna kunnskap, som takseringsresultat frå nærliggjande område, observasjonar frå jegerar og oppsyn, og generell kunnskap om rypa og høgfjellsøkosystemet. Etter fire år med freding av rypa på alle statsallmenningane på Hardangervidda ser ein no at bestanden har teke seg opp att. Om det er fredinga som har gjort dette skal ikkje seiast, men det er i alle fall meir rype å sjå i fjellet. Takseringar andre stadar på Hardangervidda tyder på oppgang, noko oppsynet og andre brukarar av fjellet ser. Eidfjord fjellstyre og Øvre Numedal fjellstyre opna for jakt hausten 2017, etter at taksering viste av det var bra med fugl før jakta (Øvre Numedal ca. 25 fugl/km², Eidfjord statsallmenning ca. 10 fugl/km²). Utover sommaren og hausten 2017 blei det observert mykje smågnagarar over heile Hardangervidda. Dersom ein no får ein vinter med gode tilhøve for smågnagarar og ein god vår for klekking, kan det bli bra tilhøve for rypa også i 2018. Kunnskapsgrunnlaget om rypebestanden er vurdert til å vera god (jf. nml. § 8). Det ein har mindre kunnskap om er korleis jakta påverkar rypebestanden. Det manglar god statistikk over kor mykje jaktkort som er selt på Ullensvang statsallmenning, og kor mange ryper som har blitt felt per år. Det er eit usikkerheitsmoment at ein ikkje har tilgjengeleg statistikk frå tidlegare år. Jf. føre-var-prinsippet (nml. § 9) tilrår sakshandsamar at det blir innført bag-limit. Bag-limit er ei vanleg regulering av rypejakta, og er innført hos dei andre fjellstyra på Hardangervidda (ikkje handsama i Ulvik fjellstyre, men framlegget frå sakshandsamar er ei ordning med bag-limit). Det er mogleg å ha bag-limit per dag, per veke og for heile sesongen, samt kombinasjonar av desse. I område som er lett tilgjengeleg, dvs. nære veg, er det vanleg å ha ei regulering både per dag og for heile sesongen. I område som ligg langt frå veg, som Ullensvang statsallmenning, er det slik sakshandsamar vurderer det ikkje avgjerande å ha ei avgrensing for sesongen. Ei avgrensing per dag vil vera tilstrekkeleg i eit område der dei fleste jegerane reiser på rypejakt ein eller to turar i løpet av sesongen. Kontroll med bag-limit per dag er også til ein viss grad mogleg å handheve for oppsynet, medan bag-limit per sesong blir fullt og heilt ein tillitssak. Sakshandsamar tilrår ei bag-limit på tre ryper per dag.

Ullensvang statsallmenning blir brukt til jakt, fiske og friluftsliv. Området ligg langt frå veg, og mesteparten er verna som nasjonalpark. Det gjer at det i utgangspunktet er lite menneskeleg aktivitet i området. Den største enkeltaktiviteten er reinsjakta i perioden 20. august til 30. september. Rypejakta har lite omfang samanlikna med reinsjakta, og sakshandsamar vurderer at påverknaden frå rypejakta ikkje vil føre til ein for stor samla belastning på økosystemet (jf. nml. § 10). Sakshandsamar vurderer naturmangfaldlova § 11 og 12 til å ikkje vere relevant i denne saka.

Avgrensing av jaktområdet:

Fellesstyret vedtok i 2013 at fredingssoneane i reinsjakta også skulle vera unnateke småviltjakt. Dette vedtaket blei påklaga, og etter behandling i Miljødirektoratet fekk Fellesstyret (under tvil) medhald i at fredingssoneane også skulle gjelde for småviltjakt. Miljødirektoratet skreiv i vedtaket at omsynet til villreinen sin bruk av området ikkje åleine er tilstrekkeleg til å kunne frede småviltet i fredingssona. Vedtak av omsyn til andre artar kan berre gjerast i særskilte tilfelle, og det må i tillegg påvisast at fredinga er naudsynt også av omsyn til rypebestanden. Slik situasjonen er no, med fleire år med freding av rypebestanden, og god smågnagarbestand

siste året, meiner sakshandsamar at det ikkje er grunnlag for å frede rypa i fredingssone i reinsjakta.

Tidlegare reguleringar:

Jakttid:

Innanbygds jegerar med eller utan hund: 15. september til 28. februar

Utanbygds jegerar utan hund: 15. september til 28. februar

Utanbygds jegerar med hund: frå villreinjakta si slutt, men ikkje tidlegare enn 15. september. Varar villreinjakta lenger enn til 1. oktober, kan utanbygds likevel få jakte med hund frå 1. oktober.

I år det ikkje er villreinjakt:

Innanbygds jegerar med eller utan hund, og utanbygds jegerar utan hund: 10. september til 28. februar

Utanbygds jegerar med hund: 15. september til 28. februar

Korttypar:

Innanbygds med hund: vekeskort og sesongkort

Innanbygds utan hund: vekeskort og sesongkort

Utanbygds med hund: vekeskort og sesongkort

Utanbygds utan hund: vekeskort og sesongkort

Framlegg til reguleringar av småviltjakta frå og med sesongen 2018-2019:

- Jakttid 15.9-28.2/29.2
- Bag-limit: 3 ryper pr. dag pr. jeger (ikkje samle opp frå dag til dag)
- Ingen reguleringar på bruk av hund. Sjølv om det kan vera meir effektivt å bruka hund, vil bag-limit på 3 ryper pr. dag pr. jeger regulere jakta likt for alle, og såleis forsvare lik pris og jaktperiode med og utan hund.
- Ingen avgrensingar på jaktområdet.
- Typar jaktkort:
I fylgje forskrift om jakt, felling, fangst og fiske i statsallmenning § 6 skal fylgjande korttypar vera tilgjengeleg:
 - Dagskort/døgnkort
 - 5-dagarskort eller vekeskort (7 dagar)
 - Sesongkort

Dette betyr at det skal vera tilgjengeleg eit dagskort eller døgnkort i tillegg til vekeskort og sesongkort.

På grunnlag av dette har sakshandsamar fylgjande framlegg til typar jaktkort:

- Innanbygds dagskort
 - Utanbygds dagskort
 - Innanbygds vekeskort
 - Utanbygds vekeskort
 - Innanbygds sesongkort
 - Utanbygds sesongkort
- Jegerane blir pålagt å levere jaktrapport via Inatur-systemet etter avslutta jakt.
 - Jegerane blir oppfordra om å telte i nærleiken av hytter i reinsjakta.

Framlegg til vedtak:

Fellesstyret for Ullensvang statsallmenning gjer fylgjande vedtak om småviltjakta gjeldande frå og med jaktseasonen 2018-2019:

- Jakttid 15.9-28.2/29.2
- Bag-limit: 3 ryper pr. dag pr. jeger (ikkje samle opp frå dag til dag)
- Ingen reguleringar på bruk av hund.
- Ingen avgrensingar på jaktområdet.
- Typar jaktkort:
 - Innanbygds dagskort
 - Utanbygds dagskort
 - Innanbygds vekeskort
 - Utanbygds vekeskort
 - Innanbygds sesongkort
 - Utanbygds sesongkort
- Jegerane blir pålagt å levere jaktrapport via Inatur-systemet etter avslutta jakt.
- Jegerane blir oppfordra om å telte i nærleiken av hytter i reinsjakta.

Vedtaka er gjort med heimel i fjellova § 23 og forskrift om jakt, felling, fangst og fiske i statsallmenning §§ 5 og 6.

Referat:

Det blei diskutert om det bør gjerast vedtak om freding på kort varsel dersom situasjonen tilseier det. Etter ein del diskusjon kom Eivind Tokheim med framlegg om å fylja framlegg til vedtak. Styret slutta seg til dette.

Vedtak (sak FUS 16/18):

Fellesstyret for Ullensvang statsallmenning gjer fylgjande vedtak om småviltjakta gjeldande frå og med jaktseasonen 2018-2019:

- Jakttid 15.9-28.2/29.2
- Bag-limit: 3 ryper pr. dag pr. jeger (ikkje samle opp frå dag til dag)
- Ingen reguleringar på bruk av hund.
- Ingen avgrensingar på jaktområdet.
- Typar jaktkort:
 - Innanbygds dagskort
 - Utanbygds dagskort
 - Innanbygds vekeskort
 - Utanbygds vekeskort
 - Innanbygds sesongkort
 - Utanbygds sesongkort
- Jegerane blir pålagt å levere jaktrapport via Inatur-systemet etter avslutta jakt.
- Jegerane blir oppfordra om å telte i nærleiken av hytter i reinsjakta.

Vedtaka er gjort med heimel i fjellova § 23 og forskrift om jakt, felling, fangst og fiske i statsallmenning §§ 5 og 6.

Samrøystes vedteke.

FUS 17/18: Budsjett 2018

Saksdokument:

- 17-18 Framlegg til budsjett 2018

Saksutgreiing:

Framlegg til budsjett er satt opp med ein auke i inntekter frå sal av fiskekort på grunnlag av framlegg til auke i prisar. Utgiftene er venta å bli ein god del høgare enn i 2017, grunna at tenestekjøpet skal fakturerast direkte til Fellesstyret. Det er også teke med kostnadar til fellesarrangement (som jegerkafeen), og utgifter styremedlemmene har til vår- og haustmøte.

Framlegg til vedtak:

Inga framlegg til vedtak.

Referat:

Framlegg til budsjett blei gått gjennom. Det blei stilt spørsmålsteikn ved refusjonsordninga. Sekretær undersøker dette, og kjem med ei tilbakemelding til styret. Det blei kommentert at inntektssida er ambisiøs. Sekretær kommenterte at mykje av framlegg til auke i inntekter er gjort med grunnlag i auken i prisane Fellesstyret har vedteke.

Styret slutta seg til framlegg til budsjett.

Vedtak (sak FUS 17/18):

Styret vedtek framlegg til budsjett for 2018.

Samrøystes vedteke.

FUS 18/18: Fredingssoner i reinsjakta**Saksdokument:**

2017.12.13-612.0.Johannes Aga og Arne O. Lutro-Innspel til evaluering av fredingssonene

2018.01.14-612.0.Odd Aga - Innspel til evaluering av fredingssonene m vedlegg

2018.01.22-612.0.Odda-jegerar-Innspel fredingssoner

2018.02.21-612.0.Einar S. Børve-Innspel til evaluering av fredingssonene

2018.02.21-612.0.Vigleik Fagertveit-Innspel til evaluering av fredingssonene

2018.02.25-612.0.Asbjørn Lutro-Innspel til evaluering av fredingssonene

2018.02.25-612.0.Per Jan Sandven-Innspel til evaluering av fredingssonene

2018.03.01-612.0.Trond Thiis-Innspel til evaluering av fredingssonene

2018.03.04-612.0.Tomas Hesthamar-Innspel til evaluering av fredingssonene

2018.03.05-612.0.Arvid Svåsand-Innspel til evaluering av fredingssonene

2018.03.05-612.0.Inge Nedrevåg-Innspel til evaluering av fredingssonene

2018.03.05-612.0.Jarle Rasmussen-Innspel til evaluering av fredingssonene

2018.03.05-612.0.Jostein Ulgenes-Innspel til evaluering av fredingssonene

2018.03.05-612.0.Mats Holtmoen-Innspel til evaluering av fredingssonene

2018.03.05-612.0.Per Helge Sekse-Innspel til evaluering av fredingssonene

Saksutgreiing:

Vedtaket om innføring av dei to fredingssonene i 2013 gjaldt for fem år. Før jakta hausten 2018 har Fellesstyret hatt ein prosess fram mot eit vedtak om ei eventuell vidareføring av ordninga med fredingssoner. Jamfør naturmangfaldlova (nml.) § 7 skal dei miljørettslege prinsippa i naturmangfaldlova §§ 8-12 leggjast til grunn ved utøving av offentleg myndigheit. Erfaringa frå dei siste åra viser at fredingssonene til ein viss grad har fungert slik intensjonen var. Dei fleste er samde om at den nordlege fredingssona har ført til at flokkane har trekt lenger vestover i Hordaland i reinsjakta, medan den sørlege sona har hatt mindre effekt. Data frå gps-merka dyr, samt observasjonar frå jegerar og oppsyn ligg til grunn for denne vurderinga. Betra trekktilhøve i reinsjakta er positivt for reinsstamma. Det gir moglegheit til å nytte beiteressursar på større deler av Hardangervidda, og det gir reinen meir ro. Sakshandsamar vurderer kunnskapsgrunnlaget til å vera godt nok til å gjera vedtak i saka, jf. nml. § 8, og at føre-var-prinsippet for å unngå skade på naturmangfaldet difor ikkje er relevant, jf. nml. § 9. Effektane av fredingssonene er vurdert til å vere positivt for den samla belastninga på økosystemet, jf. nml. § 10. Sakshandsamar vurderer nml. § 11 og 12 til å ikkje vera relevant i denne saka.

Samandrag av dei skriftlege innspela i høyringsperioden:

Johannes Aga og Arne O. Lutro:

- Framlegg til ny sone nord – frå der Blånutbekken kryssar fylkesgrensa - Store Hansbunuten – Jarnkjelda – Nordenden av Vallgardsvatnet – vestenden av vatnet til den gamle grensa.
- Den gamle «trekanten» på Hansbu kan bestå.

Odd Aga:

- Ingen effekt av å freda området ved Vallgardsvatnet – det vil vera lite folk i dette området uansett. Å få nokon jegerar til å reisa til Vallgarden i staden for Hansbu er positivt.
- Telting ved Vallgardsvatnet bør foregå i strandsona på austsida av vatnet.
- Skisserer ei ny sone nord med start i fylkesgrensa sør for Blyvarden – Jarnkjelda – nut sørvest for Simletjørn – Skitvåkenuten.

Odda-jeugar:

- Viser til positive verknadar av den nordre fredingssona i åra 2013-2017.
- Meiner sona i sør har liten verknad, og ynskjer ikkje at det skal vidareførast ei fredingssone i sør.

Einar S. Børve:

- Støttar Fellesstyret sitt framlegg til fredingssoner.

Vigleik Fagertveit:

- Støttar Fellesstyret sitt framlegg til fredingssoner.

Asbjørn Lutro:

- Fellesstyret sitt framlegg til nordlege sone er greitt nok. Ynskjer i utgangspunktet ei mindre/inga sone på Hansbu.
- Foreslår ei justert sone nord: Linje frå Blyvarden til spissen i «trekanten» i Hansbulægeret, der området sør/aust for linja er freda.

Per Jan Sandven:

- Ynskjer ei større fredingssone nord for at dyra skal få eit breidt område å koma vestover i. Fryktar at for smalt område i beste trekkruta til reinen kan føre til at flokkane ikkje trekker lenger vestover.
- Ynskjer fredingssone nord frå Hansbulægeret (inkludert den gamle trekanten) – Vestre Hansbunuten – Gulleiksjørnane og vidare vestover som framlegget til Fellesstyret

Trond Thiis:

- Meiner eit nytt fredingssonevedtak bør gjelde i fem år.
- Meiner noko jakting i området ved Brasfet kan vera positivt for å få pressa dyra vestover.
- Meiner grensene for Fellesstyret sitt framlegg til fredingssone sør har ei god avgrensing i sør, vest og aust, men kjem med innspel om at grensa i nord bør justerast til innfallsosen i vatnet mot Bjørnavassbu og deretter fylgje bekken ut av dette vatnet og ned til Nedsta Bjørnavatnet.
- Støttar framlegg til fredingssone nord, men meiner Fellesstyret kan vurdere å trekke grensa frå Store Hansbunuten mot eggen like vest for Rekkjingeskar.

Thomas Hesthamar:

- Positivt med justering av den nordlege fredingssona, men ser helst at meir av terrenget blir jaktbart.
- Meiner nordleg sone er unødvendig stor.

Arvid Svåsand

- Meiner det bør vurderast å opprette fredingssoner langs kvennavassdraget for at dyra skal få ro strategiske og viktige kryssingspunkt over Kvenna, noko som vil sikre ei betre og mindre stressande jakt. I innspelet er det markert tre område langs Kvenna; ved Fiskos, mellom Kvennsjøen og Øvsta Krokavatnet og langs Midtra Krokavatnet og opp til Øvsta Krokavatnet.
- Støttar framlegg til fredingssone nord og sør.

Inge Nedrevåg:

- Meiner fredingssone nord kan justerast mot grensa mot Telemark ved at grensa går frå Store Hansbunuten i rett linje mot Rekkjingeskar. Det vil gjera det enklare å sjå grensa for jakt enn fylkesgrensa mot Telemark. Det vil opne for jakt nedanfor hyttene på Hansbu. Han meiner at jegerar ikkje vil gå ned til Skyttarfossen, då dette er nedarva oppførsel.

Jarle Rasmussen:

- Har to forslag til justert fredingssone sør. Det han føretrekk er eit område med grense i Eltarnuten, Vetla Uravatnet, ned til Nedsta Bjørnavatnet langs stien frå Vetla Uravatnet, noko justert på nordsida samanlikna med Fellesstyret sitt framlegg.
- Forslag 2 er i stor grad likt Fellesstyret sitt framlegg, med nokre justerte grenser som er lette å finne att i terrenget.
- Meiner det er viktig at ein ikkje fredar meir areal enn strengt naudsynt for å oppnå det ein ynskjer.

Jostein Ulgenes:

- Meiner framlegg til nordleg fredingssone er ok, men ynskjer at det skal vera lovleg å telte og landa med helikopter ved leiren ved Vallgardsvatnet. Meiner fredingssonar kan leggjast nord for Vallgardsvatna, slik at heile arealet aust for vatna blir jaktbart område.

Mats Holtmoen:

- Kjem med framlegg om ei justering av Fellesstyret sitt framlegg til fredingssone sør: nordre del av sona justert slik at grena går langs bekken og rundt vatnet mot Bjørnavassbu – noko som er enklare å finne i terrenget enn Fellesstyret sitt framlegg. Har også eit forslag til fredingssone på Røldal statsallmenning.
- Er positiv til at Eidfjord fjellstyre og Fellesstyret for Ullensvang statsallmenning er positive til å opprehalda nordleg fredingssone.
- Kjem med framlegg om ei ny fredingssone som ligg mellom Øvsta Krokavasshadlet og Nedsta Krokavasshadlet. Begrunnar dette med at det er ein naturleg kryssingsplass for villrein. Har fleire gonger opplevd at dyr som er på trekk sør-søraustover søkjer ned mot Kvenna for å krysse, men vert jakta på og drive tilbake mot Hellenuten og Vallgarden/Hansbu. Fredingssona vil kunne vere positiv for jegerane i området mellom Belebotn og Låven, samt i Hellevassområdet.
- Meiner nye fredingssoner bør vedtakast for minst fem, kanskje 10 år, før det blir ny revisjon av sonene.

Per Helge Sekse:

- Meiner ordninga med fredingssoner har vore vellukka, og at det bør vidareførast.
- Meiner den nordlege sona bør oppretthaldast slik ho har vore, medan den sørlege kan justerast i tråd med framlegget til Fellesstyret.

Kommentar til innspela:

Innspela spriker ein god del, særskilt når det gjeld den nordlege sona. Nokon meiner fredingssona bør oppretthaldast slik ho har vore dei siste fem åra, medan andre meiner ho bør fjernast heilt. Dei fleste innspela går ut på større eller mindre justeringar av Fellesstyret sitt framlegg. Ein del vil gjera endringar i den gamle trekanten som strekk seg frå Rekkjingeskar til der Blånutbekken møter fylkesgrensa og vidare til Hansbulægeret. Sakshandsamar meiner denne sona er innarbeida blant jegerane, og at ho difor med fordel kan oppretthaldast slik ho er. Det blir vist til at jegerar ikkje vil gå ned på flatane mot Skyttarfossen. Sakshandsamar fryktar at det er det som vil skje, og at det vil hindre trekk inn i Hordaland. Det kjem stadig nye jegerar til, og frå år til anna er det mange utanbygds jegerar. Jegerar som ikkje er

«oppvaksen» med den gamle trekanten vil nok, slik sakshandsamar ser det, sjå på flatane nedanfor Hansbu og aust mot grensa som eit godt jaktområde.

Justering ved Vallgardsvatna blir nemnt i nokre av innspela. Færre jegerar på Hansbu vil kunne ha ein positiv effekt for jakta i det området, samt for flokkane sin moglegheit til å trekke forbi dette området. På den andre sida kan det vera negativt for trekket forbi Vallgardsvatna dersom det blir opna for telting i dette området. Sakshandsamar meiner det på generelt grunnlag er ein fordel å ha telting nede i dalføra, då det vil gi flokkane meir ro i større deler av døgnet. Eit anna poeng er å oppretthalde eit fredingsareal langs grensa mot Eidfjord statsallmenning. Det gir grunnlag for ei større sone som flokkane får fred i. Ein er nøydt til å frede ein del av sitt eige areal dersom ein ynskjer at andre vald skal bidra med freding.

Fredingssona i sør har fungert dårlegare enn fredingssona i nord. Innspela som er kome inn støttar enten å fjerne sona i sør, eller å gjera justeringar meir eller mindre likt framlegget frå Fellesstyret. Sakshandsamar meiner det kan vera lurt å gjera eit forsøk med ei fredingssone som strekk seg opp mellom Nedsta og Øvsta Bjørnavatnet, slik framlegget frå Fellesstyret gjer. Fellesstyret kan med fordel vurdere å justere grensa mot nord, slik nokre av innspela peikar på. Eit av innspela presenterer ei mindre sone i sør, om lag halvparten av sone som Fellesframlegget la ut på høyring. Det kan vera eit alternativ, men Fellesstyret må vurdere om sona er stor nok til at ho vil ha den effekten ein ynskjer. Eit anna moment er at dersom Fellesstyret reduserer denne sona slik at ho ikkje føl grensa mot Røldal statsallmenning, vil truleg ikkje Røldal fjellstyre vidareføre ordninga med fredingssone på sitt areal.

Innspela om nye fredingssoner langs Kvennavassdraget er interessante forslag. Fellesstyret har ikkje i prosessen med evaluering av fredingssonene diskutert å oppretta nye fredingssoner. Fredingssoner på strategiske kryssingspunkt vil gje flokkane ro til å krysse vassdraget. Samtidig vil det alltid vera punkt der flokkar blir hindra frå å trekke der dei vil. Det ligg i jakta sin natur at reinen blir forstyrra. Viss det skal opprettast nye fredingssoner må det gjerast på grunnlag av at ein ynskjer å oppnå eit trekk forbi eit punkt for å oppnå betre jakt. Sakshandsamar meiner ein ikkje har tilstrekkeleg kunnskapsgrunnlag til å sei om framlegga til nye fredingssoner vil ha ein slik effekt, og at dei kan takast med i vurderinga fram mot neste evaluering av fredingssonene.

Fellesstyret må gjera ei heilskapleg vurdering på grunnlag av eigen kunnskap, dei skriftlege innspela samt innspela frå jegerkafeen. Sakshandsamar meiner nye fredingskorridorar med fordel kan vedtakast for fem år (2018-2022), før det blir gjort ei ny vurdering. Eit alternativ er å opne for endringar på kort varsel dersom vindretninga tilseier det (til dømes mot slutten av jakta). Dette kan i visse tilfelle gi ein god effekt i form av auka jaktutbyte, men det er problematisk med tanke på at eit vedtak om oppheving av fredingssonene ikkje vil vera gjeldande før fire veker etter vedtkaket i Fellesstyret, jf. fjellova § 10, samt at kommunane skal ha hatt moglegheit til å uttale seg.

Eit vedtak om fredingssoner blir gjort med heimel i fjellova § 23 2. avsnitt. Kommunane skal ha moglegheit til å uttale seg om vedtaka, jf. fjellova § 23 3. avsnitt. Er det usemje mellom fjellstyret og kommunen, må fjellstyrevedtaket leggjast fram for departementet som tek endeleg avgjerd i saka.

Framlegg til vedtak:

Inga framlegg til vedtak.

Referat:

Innspela i høyringsrunden blei gått gjennom. Det blei vist til at det er sprikande tilbakemeldingar, med flest kommentarar til den nordlege fredingssona, særskilt rundt Hansbu. Det blei vist til at det kom eit par innspel om at grensa for fredingssona kan gå i bein linje frå Store Hansbunuten til Rekkjingeskar. Det var semje i styret om at dette blir ei for lita fredingssone. Ragnar Ystanes kom med framlegg om ei linje frå Vetle Hansbunuten i bein linje til Rekkjingeskar. Dette vil vera eit kompromiss mellom slik fredingssona var i perioden 2013-2017 og Fellesstyret sitt framlegg som blei lagt ut på høyring. Ragnar kommenterte at ved ei slik grense kan ein oppnå at flokkar kan stoppa opp i fredingssona utan å reise ut av Hordaland, og så forhåpentlegvis reise vidare vestover sjølv om dei har blitt jakta på. Styret slutta seg til dette.

Den vestlege delen av den nordlege fredingssona blei diskutert. I høyringsframlegget blei grensa trekt ned i Storahorgi. Ei slik grense vil vera ei auke samanlikna med fredingssona i 2013-2017. Det blei vist til at dette var del av ei tenkt justering i samband med ei justering på Eidfjord statsallmenning som ikkje lenger er aktuell, og at det difor er naturleg å endre tilbake til slik fredingssona var i 2013-2017. Det blei også gjort ei lita justering ved Vallgardsvatna.

Det blei diskutert om det skal gjerast nokre mindre endringar på framlegg til fredingssone sør. Det har kome høyringsinnspel om justeringar av både nordre og søndre del av denne sona. Aktuelle endringar for å gjera det enklare å finne grensa i terrenget blei diskutert. Det blei kommentert at ein i praksis må halde ein viss avstand til grensa for, og at det difor ikkje er avgjerande å gjera slike småjusteringar. Styret samla seg om å ikkje gjera endringar på høyringsframlegget for fredingssone sør.

Det blei diskutert kor lenge vedtaket skal gjelde for. Det kom innspel om å vedta fredingssonene for ein ny femårsperiode, og å ha evaluering kvart år. Eivind Tokheim og Steinar Langesæter kom med innspel om at fredingssonene bør gjelda inntil vidare. Dei viste til at med evaluering kvart år må Fellesstyret gjera eit nytt vedtak årleg, og at dette er ein tung prosess som ein bør unngå. Det blei vidare vist til at medlemmene i Fellesstyret til ei kvar tid kan ta opp saka på nytt. Styret slutta seg til framlegget om at vedtaket skal gjelda inntil vidare.

Steinar Langesæter kom med framlegg om at Fellesstyret bør kunne oppheve fredingssonene mot slutten av jakta, dersom tilhøva tilseier det. Dette kan vera aktuelt når det står dyr i vest (i Hordaland), og at ein då kan jakte i heile statsallmenning på flokkar som er på veg austover. Eit slikt vedtak må berre kunne gjerast i siste del av jakta, og gjelde ut jakta det året. Styret slutta seg til dette.

Vedtak (sak FUS 18/18):

Fellesstyret for Ullensvang statsallmenning vedtek å vidareføre ordninga med fredingssoner i reinsjakta inntil vidare. Det blir oppretta to fredingssoner (fredingssone sør og fredingssone nord) som vist på vedlagte kart.

Fellesstyret for Ullensvang statsallmenning kan oppheve fredingssone mot slutten av jakta, dersom tilhøva tilseier det. Opphevinga gjeld ut jakta. Dette er berre aktuelt når det står dyr i vest (i Hordaland).

Samrøystes vedteke.

Vedtaket er gjort med heimel i fjellova § 23 3. avsnitt.

FUS 19/18: Søknad om samjakt i reinsjakta 2018

Saksdokument:

- 19-18 Søknad om samjakt i reinsjakta 2018

Saksutgreiing:

Odda Grunneigarlag har sendt inn søknad om samjakt mellom HA296 Odda storvald og valda på Ullensvang statsallmenning. Det er ikkje kome inn søknad frå private vald i Ullensvang.

Sakshandsamar har ikkje fått tid til å gjera ei grundig vurdering av ei samjaksordning til dette møtet. Fellesstyret må gjera ei vurdering om det skal opnast for samjakt, og eventuelle reguleringar i form av overføring av kort, betaling per kort som slepp innpå osv. Viss Fellesstyret ynskjer samjakt med private vald vil det vera ein fordel om ein kan koma fram til ei ordning som kan brukast seinare år, uavhengig av varierende kvotestorleik og tal jegerar.

Sentrale spørsmål Fellesstyret må ta stilling til:

- Skal dei private valda gje frå seg ei godtgjersle til fjellstyra for å få tilgang til jakt på statsallmenningen?
- Kva slags godtgjersle skal det eventuelt vera? Aktuelle godtgjersler kan vera:
 - Ein del av korta skal overførast til fjellstyra
 - Jegerar som vil bruke private kort på statsallmenningen betalar ein sum pr. kort (slike ordningar blir brukt i Øvre Numedal statsallmenning og Rauland statsallmenning)
- Skal samjakta gjelda for alle, eller skal Fellesstyret berre opne for at visse grupper jegerar skal få tilgang til å bruke private kort på statsallmenningen. Ei slik avgrensing kan vera:
 - Innanbygds jegerar
 - Innanbygds jegerar som er tildelt kort på statsallmenningen
- Korleis skal ei eventuell godtgjersle frå private vald fordelast mellom Odda fjellstyre og Ullensvang fjellstyre?
- Skal det opnast for å inngå samjaksavtale med berre nokre av dei private valda i Odda kommune og Ullensvang herad, eller skal det vera «alle eller ingen»?

I søknaden frå Odda Grunneigarlag er det ingen forslag til godtgjersler eller andre praktiske ordningar knytt til samjakt. Sakshandsamar meiner at dersom Fellesstyret ynskjer å inngå ein

samjaksavtale bør det vera ein dialog med Fellesstyret og dei private valda fram mot ein endeleg avtale.

Framlegg til vedtak:

Inga framlegg til vedtak.

Referat:

Eivind Tokheim orienterte om at Steinar Langesæter, som valdansvarleg i eit privat vald i Ullensvang, er inhabil i saka. Fellesstyret tek stilling til prinsippet om samjakt med private vald i dei to kommunane, og at difor saka også omhandlar private vald i Ullensvang. Vara for Steinar Langesæter, Jørund Kvestad, var kalla inn til møtet, men sidan også han er inhabil, som vara i styret for eit privat vald i Ullensvang, møtte han ikkje.

Ragnar Ystanes kom med innspel om at sidan stamma no er svært låg, og at fleire tek til orde for freding, er det ikkje rett med tiltak for å auke fellinga. Med grunnlag i dette kom han med framlegg om at Fellesstyret ikkje inngår samjaktavtale med andre vald i år. Styret slutta seg til dette.

Vedtak (sak FUS 19/18):

Med grunnlag i at villreinstamma no er svært låg, og at det difor ikkje er rett med tiltak for å auke fellinga, vil ikkje Fellesstyret inngå samjaktavtale med andre vald i år.

Samrøystes vedteke.

FUS 20/18: Søknad om løyve til å fiske med garn i vatna rundt Skålsbotnen

Saksdokument:

- 20-18 Søknad om løyve til å fiske med garn i vatna rundt Skålsbotnen

Saksutgreiing:

Ingrid Opedal søker om løyve til å fiske med garn i området rundt steinbua deira i Skålsbotnen. Ho er fødd og oppvaksen på Lofthus, men er no busett i Volda. Familien eig ein eigedom i Opedal på Lofthus, som hytta i Skålsbotnen høyrer til. Foreldra til søkjaren var busett i Ullensvang, og fiska med garn som innanbygdsbuande så lenge dei levde. I fylgje søknaden har søkjar fått løyve til å fiske med garn i åra etter at foreldra døydde. I 2017 fekk dei ikkje kjøpe garnkort, med grunngevinga at garnfiske berre er tillate for innanbygdsbuande.

Fjellova § 28 regulerer kven som har rett til å drive fiske i statsallmenning. I fylgje fyrste ledd i § 28 har alle som siste året har vore og framleis er fast busett i Norge har rett til under like vilkår å oppnå høve til å drive fiske med krok utan fastståande reiskap, likevel ikkje fiske med oter. Når det gjeld «anna slags fiske» seier § 28 tredje ledd at *«Fjellstyret kan gje løyve til å drive også anna slag fiske for dei som siste året har vore og framleis er busett i området der almenningen ligg – og som Kongen fastset grensene for – eller i bygd eller grend der innbuarane frå gamal tid har utøvd allmenningsbruk i allmenningen. Like eins kan fjellstyret gje slikt løyve også for andre som har fiskerett etter første stykket, når det kan skje utan at det går ut over fiskerettshavarane elles og det ikkje kan reknast å vere til skade for fisken i vassdraget. Dei gardar og bygdelag som har drive fiske med fastståande reiskap frå gamal tid, skal ha førerett til slikt fiske framom andre.»*

«Anna slag fiske» i denne samanheng er fiske med garn og oter. Fellesstyret sine reglar for fiske på Ullensvang statsallmenning tilseier at fiske med garn og oter er avgrensa til innanbygdsbuande, dvs. *«dei som siste året har vore og framleis er busett i området der almenningen ligg – og som Kongen fastset grensene for – eller i bygd eller grend der innbuarane frå gamal tid har utøvd allmenningsbruk i allmenningen.»*. Det kan berre opnast for at også utanbygdsbuande skal kunne fiske med garn og oter når det kan skje utan at det går ut over fiskerettshavarane elles og det ikkje kan reknast å vera til skade for fiske i vassdraget. Dersom søkjar skal få fiske med garn og oter betyr det at det må opnast for at alle utanbygdsbuande skal ha lik rett til å fiske med garn og oter som innanbygdsbuande. På grunnlag av dette tilrår sakshandsamar at søknaden om løyve til å fiske med garn i området rundt Skålsbotnen blir avvist.

Framlegg til vedtak:

Fellesstyret for Ullensvang statsallmenning avslår søknaden frå Ingrid Opedal om løyve til å fiske med garn i området rundt Skålsbotnen, då det ikkje er heimel til å gje utanbygdsbuande rettar som er forbeholdt innanbygdsbuande. Vedtaket er gjort med heimel i fjellova § 23.

Referat:

Saka blei kort diskutert. Det var semje i styret om at fjellova er klar på dette punktet, ein kan ikkje opne for at enkeltpersonar skal få eit slikt løyve. Styret slutta seg til framlegg til vedtak.

Vedtak (sak FUS 20/18):

Fellesstyret for Ullensvang statsallmenning avslår søknaden frå Ingrid Opedal om løyve til å fiske med garn i området rundt Skålsbotnen, då det ikkje er heimel til å gje utanbygdsbuande rettar som er forbeholdt innanbygdsbuande. Vedtaket er gjort med heimel i fjellova § 28.

Samrøystes vedteke.

FUS 21/18: Høyringsak: Vedlikehaldstiltak på Dam Nibbehøl

Saksdokument:

- 21-18 Dam Nibbehøl – Søknad om vedlikehaldstiltak
- 21-18 Dam Nibbehøl – Miljø- og arealbruksplan

Saksutgreiing:

Statskog skal utføre vedlikehaldsarbeid på dammen i Nibbehøl. Tiltaka omfattar kun tiltak på dammen, og ikkje terrenget ved dammen. Arbeida er planlagt utført sommar/haust 2018 og 2019, og vil bli utført av anleggsentreprenør med tilhøyrande rigg og maskiner.

Frå Fjellova § 12: Iverksetjing av grunndisponeringstiltak - herunder tiltak som gjeld vassdrag - i statsallmenning kan berre skje når det ikkje medfører vesentleg skade for nokon som har bruksrett, og under omsyn til prinsippa for naturvern. Om eit tiltak vil medføre vesentleg skade for bruksrettar vert avgjort ved skjøn.

Før Statskog som grunneigar tek avgjerd i saka skal fjellstyret ha hatt høve til å koma med fråsegn. Fellesstyret skal ta stilling til om tiltaka kan medføre vesentleg skade for nokon som har bruksrett, og om tiltaka kan utførast under omsyn til prinsippa for naturvern. Statskog er fyrst og fremst ute etter informasjon om tiltaket kan medføre vesentleg skade for nokon som har bruksrett.

Det går ein merka sti over demningen. I anleggsperioden må stien leggast om. I miljø- og arealbruksplanen er det skildra at stien vil bli lagt om midlertidig, til ein tydeleg merka trase nedstraums dammen. Sakshandsamar vurderer dette som eit tilstrekkeleg tiltak for å oppretthalde ferdselen forbi dette punktet. Ut over dette kan ikkje sakshandsamar sjå at tiltaka kan påverke bruksrettane negativt.

Framlegg til vedtak:

Fellesstyret for Ullensvang statsallmenning har ingen merknadar til søknaden frå Statkraft om vedlikehaldsarbeid på Dam Nibbehøl.

Referat:

Saka blei kort diskutert. Styret slutta seg til framlegg til vedtak.

Vedtak (sak FUS 21/18):

Fellesstyret for Ullensvang statsallmenning har ingen merknadar til søknaden frå Statkraft om vedlikehaldsarbeid på Dam Nibbehøl.

Samrøystes vedteke.

FUS 22/18: Eventuelt

Ingen saker blei teke opp under eventuelt.